



KAMELEON.BA

21.03.2015 u 08:00

Ivan Milinković: Nerviraju me ljudska glupost i površnost

Pjevač grupe Legende otkriva svoje slatke tajne...

Danas ekskluzivno za Kameleon, Ivan Milinković, pjevač grupe Legende, otkriva svoje slatke tajne...

KAMELEON: Kada ste progovorili?

IVAN: Prve riječi sam izgovorio sa 7-8 mjeseci, a sa godinu dana sam već uveliko "sklapao" rečenice.

KAMELEON: Šta ste radili kad ste bili mali?

IVAN: Bio sam nemiran. Igrali smo se sa kućićima i mačićima, odlazili smo biciklima na jezero gdje smo puštali neke makete i pravili brodiće i čamce od stiropora.

KAMELEON: Kakvi ste bili u školi?

IVAN: Vrlodobar i odličan i u osnovnoj i srednjoj školi. Čak sam u trećem razredu srednje bio učenik škole.

KAMELEON: Jesu li vas tukli roditelji kad ste bili mali?

IVAN: Nije mama znala šta će sa mnom. Bilo je tu i batina (smijeh). Bio sam nestašan, ali to nije bio bezobrazluk kakav danas djeca pokazuju, već nestašluk koje je svako dijete imalo tada. Toga se sjećam sa osmijehom.

KAMELEON: Šta radite prije spavanja kad legnete u krevet?

IVAN: Supruga i ja gledamo TV. Volim da vidim dobar film, koncert, neku utakmicu. Dosta gledam naučne i životinjske kanale (Discovery, History, Animal Planet, National Geographic).

KAMELEON: Mana koje biste se najradije riješili?

IVAN: Malo sam "prgav" kad ne treba. Trebao bih sebe nekad više kontrolisati. Često gubim živce, a nekada me nerviraju ljudska glupost i površnost.

KAMELEON: Gdje biste živjeli kad bi mogli birati?

IVAN: Otišao bih sa suprugom na Bahame ili Mauricijus. Volim egzotiku, palme, more, sunce. Samo tamo gdje je toplo.

Izvor: Kameleon